

Ihumanea Pāngarau
Te Utu Hoko
MĀ TE KAI AKO

Kia Mōhio te Ākongā ki:

- te tātai ōrau

Kupu Matua:

whakapikinga utu, ōrau, moni hua

Ka hokona e te toa kai o KameReka tētahi pouaka ipu wai ārani, 12 ngā wai ārani kei roto. \$30.00 ka utua e KameReka. Ka tāpiria e KameReka te 25% whakapikinga utu.

1. He aha te utu hoko mō te ipu kotahi?

Tuatahi, ka tātaihia te whakapikinga utu mō te pouaka kotahi (ngā ipu 12):
25% o te \$30 = \$7.50 (50% = \$15, nō reira 25% = \$7.50)

Tuarua, ka tāpiria tēnei ki te utu mō te pouaka:
 $\$30 + \$7.50 = \$37.50$

Tuatoru, ka whakawehea tēnei ki te 12 hei tātai i te utu hoki mō te ipu kotahi:

$$\begin{array}{rcl} \$37.50 \div 12 & \rightarrow & 36.00 \div 12 & = & 3.00 \\ & & 1.20 \div 12 & = & 0.10 \\ & & 0.30 \div 12 & = & 0.025 \text{ (2 } \frac{1}{2} \text{ hēneti)} \\ \text{Hui katoa:} & & 37.50 \div 12 & = & 3.125 \end{array}$$

Ka whakaawhiwhia ki te \$3.13 ki te \$3.15 rānei. Koia hei utu hoko.

2. Mēnā 240 ngā ipu i hokona atu e KameReka i tētahi wiki e hia nei te rahi o tā rātou moni hua?

Ka utua e KameReka te \$30 mō ia pouaka. Ko te 25% te whakapikinga utu – ko te \$7.50 mō ia pouaka.

12 ngā ipu kei ia pouaka nō reira e 20 ngā pouaka i hokona e KameReka ($12 \times 20 = 240$)

$$\begin{aligned} \text{Hei tātai i te moni hua: } & \$7.50 \times 20 = \$8.00 \times 20 - \$0.50 \times 20 \\ & = \$160 - \$10 \\ & = \$150 \end{aligned}$$